

UTUSAN MALAYSIA

DATE: 1 / 8 / 2008

Reaksi Dr. Mahathir

Um - 1/8/2008

KUALA LUMPUR 31 Julai - Tun Dr. Mahathir Mohamad berkata, Presiden Parti Keadilan Rakyat (PKR), Datuk Seri Wan Azizah Wan Ismail hanya menjalankan tanggungjawab sebagai seorang isteri apabila bersedia mengosongkan kerusi Parlimen Permatang Pauh untuk Datuk Seri Anwar Ibrahim.

Menurut bekas Perdana Menteri itu, tindakan Wan Azizah adalah perkara yang akan dilakukan oleh mana-mana isteri sekalipun.

"Tidak ada apa yang lebih baik daripada seorang isteri yang menyayangi," katanya pada sidang akhbar khas di sini hari ini.

Dr. Mahathir yakin isterinya, Tun Dr. Siti Hasmah Mohd. Ali juga akan berbuat perkara yang sama jika berada dalam keadaan yang sama.

Kerusi Parlimen Permatang Pauh kosong berkuat kuasa hari ini.

Dr. Wan Azizah merupakan Ahli Parlimen kerusi itu sejak Pilihan Raya Umum 1999 iaitu selepas Anwar dipecat daripada parti serta kerajaan setahun sebelum itu dan dihadapkan di mahkamah.

Beliau sebelum ini merupakan Ketua Pembangkang di Parlimen.